

viripietate & doctrinatam multi quàm præcellentes. Inter quos  
perinde præcipui fuerunt Petrus à colle Germanus, Hermannus Mo-  
nachus Germ. Johannes Gauver Germ. Bernardinus Senensis, An-  
tonius Gaynerus Papiensis, Gerandus Stredamus, Matthæus Palme-  
rius Florentinus, Johannes Ernestus Germ. Bartholomæus Cartu-  
sianus Germ. Henricus VVertensis Germ. Andreas Monachus Span-  
heimensis, Antonius Archiepiscopus Florentinus, Leonardus ab Uti-  
no, Johannes Capistranus Apoctius, Nicolaus Cusanus Episcopus  
Brixinensis Cardinalis, Johannes Rode Germ. Gnarinus Veronensis,  
Henricus Kalteysen Germ. Johannes Bertachinus Italus, Lanfranc-  
rus Orianius Italus, Henricus Gorickem Germ. &c. (Deprehen-  
di enim omnes illos hic enumerari, quos sub Imperio Fri-  
derici hujus Imp. III. ponit Trithemius Abbas in Eccle-  
siasticis Scriptorib.) Hi nimirum pleriq; omnes & id genus alij  
diversis in facultatibus oppidò præclari, memoriæq; sui scriptis ac  
editis libris apud posteros illustrem reddentes, sub uno Friderico III.  
Imp. floruerunt.

Hæc ille.

Mirum autem videri possit, & visum nobis non semel fuit,  
neque hoc loco, aut apud ipsum Trithemium hujus noticiæ curiosissi-  
mum, neq; apud VVimpbelingum in Epitoma rerum Germanica-  
rum, cap. 52. mentionem fieri Petri hujus de Andlo, non indocti illa  
tempestate viri. Sed nimirum non omnes novimus omnes: &  
(quod verè quidam magnus vir dicit) famam alii habent, alii me-  
rentur. Addo, quidam etiam refugiunt. Quid quod & unicum  
hujus libri exemplar hæcenus videre nobis contigit, Bibliotheca Pa-  
latina, (cujus usura ex beneficio Serenissimi Principis Electoris libe-  
rè fruimur,) jamdudum aliud per ipsam Alsatiam nequicquam in-  
dagantibus: idque ipsum non emendatissimè scriptum, & opem  
in conjiciendo, emendando, supplendo nostram subindè requirens.  
Quod etiam nostræ excusationis gratia testari volumus.

T 2